



FAKKEL-FLITSE

Weeklikse nuusflitse vir 'n ingeligte Framesby-familie!

Kontakbesonderhede: nuusbrief@framesby.co.za

Uitgawe 101: 14 Oktober 2016

LOJALE LEERDERS SE BEURT

Aan die einde van 'n jaar word die top-presteerders by prysuitdelings vereer en word die getroue en lojale leerder dikwels op die agtergrond geskuif. Gelukkig is daar by Framesby sedert die 1970's 'n unieke stelsel van erkenning ontwikkel waarop baie ander skole baie jaloers is, naamlik ons Merietepuntstelsel. Hierdie vorm van erkenning moedig deelname op 'n breë front aan en prestasie is glad nie ter sprake nie. Jaarliks is ongeveer die helfte van die skool die trotse ontvangers van 'n Meritediploma, en kan hulle 'n knopie aankoop wat 'n ereplek op hul baadjielapelle vind.

Baie dankie aan al daardie getroue leerders wat met soveel entoesiasme en toewyding die ruggraat vorm van hierdie skool. JULLÉ is die mense wat aan ons skool sy unieke karakter gee, en JULLÉ is die ware top-presteerders. Ons salueer almal wat Dinsdag- en Donderdagaand 'n diploma ontvang!

EINDEKSAMENREËLINGS

Die eindeksamen vir ons Graad 12's begin reeds eerskomende Woensdag, en die reëlings rakende hul eksamen is reeds deeglik met hulle behandel. Die finale rooster vir Graad 8 tot 11 se eindeksamen verskyn op bladsy 3. Die rooster sal weer binnekort met 'n omsendbrief aan u deurgegee word.

Die **Graad 11's** skryf 'n Departementele eksamen. Hulle begin reeds op Maandag 24 Oktober met twee skryfsessies per dag. Die eerste sessie begin om 08:30 en almal wat skryf moet reeds om 08:00 by die skryflokaal aanmeld. Vir die middagsessie moet die leerders om 12:00 aanmeld om te kan begin teen 12:30. Die lengte van die skryfsessie word bepaal deur die skryftyd soos aangedui op die vraestel (en rooster).

Die **Graad 10's** skryf 'n interne eksamen. Die Wiskunde- en Fisiese Wetenskappe-vraestelle word egter nasionaal opgestel en alle skole skryf hierdie vraestelle. Leerders kom normale tyd skooltoe op die dae wat hulle in die ogendsessie skryf. Vir middagsessie-vraestelle, sowel as die duur van die skryfsessies, geld dieselfde reëlings as vir Graad 11.

Die **Graad 9's** skryf ook, soos die Graad 11's, 'n eksterne Departementele eksamen. Hulle meld om 07:40 aan op die dae wat hulle skryf en sal om 09:00 begin. Die lengte van die skryfsessie word bepaal deur die skryftyd soos aangedui op die vraestel (en rooster). Die **Graad 8's** skryf 'n interne eksamen, maar dieselfde reëlings as vir die Graad 9's sal vir hulle geld.

Die Graad 8 en 9's begin eers op Vrydag 4 November met eksamen. Onderrig gaan vir hierdie leerders **NORMAAL** voort volgens die skoolrooster. Die skooldag sal egter vanaf Maandag 24 Oktober verkort word en die skool sal elke dag om 13:00 uitkom. Skoolbywoning is **VERPLIGTEND!**

ONS GROET ONS

MATRIEKS

DINSDAG 18 OKTOBER
09:00

Alle Graad 12-
ouers welkom

VERJAARDAE HIERDIE WEEK

Saterdag

Leanrey Slater 8G
Rochelle van Niekerk 9A

Sondag

Micaela Booyce 8F
Jadene Parker 9A
Christiaan Vermaak 9D

Maandag

Geen

Dinsdag

Monique Gerber 10F
Keanan Hammond 11D
Mecyla Hitge 10B
Alyssa Moran 11G

Woensdag

Danaldo Gericke 12F
Juandré Jerling 12D
Ulrich Koch 11B
David Smith 9B

Donderdag

Chenique Enslin 11B
Imke Rautenbach 10C
Luané van Vuuren 11F

Vrydag

Geen

FRAMESBY IS TROTS OP

PRESTEERDERS VEREER

Die jaarlikse Sport- en Kultuurtoekenningsaand wat die afgelope Dinsdagaand plaasgevind het was voorwaar 'n besondere geleentheid. Ons top sportmanne en - vroue, sowel as die top-presteerders op kultурgebied is by hierdie geleentheid vereer, en mens staan weer eens net in verwondering oor die ongelooflike prestasies wat ons leerlinge lewer.

Vanjaar is 'n wonderlike inisiatief tot die geleentheid toegevoeg. Vier oud-leerlinge wat ná skool besondere prestasies gelewer het, is vereer deurdat 'n spesiale sertifikaat van erkenning aan hulle oorhandig is. Hulle is Johnny Koen wat sy Springbokkleure in Fietsry verwerf het, Sandra Pienaar (Els), wat 'n Suid-Afrikaanse Kampioen in Branderroei is, Maryke Doubell (Smith) wat Suid-Afrika op die Atletiekbaan verteenwoordig het, en Heidi Seijerling, wat ook in Atletiek uitgeblink het en Suid-Afrika by die Olimpiese Spele, die Wêreldkampioenskappe, asook die Statebondspele verteenwoordig het. Maryke kon die aand ongelukkig nie bywoon nie.



Johnny Koen, Sandra Pienaar en Heidi Seijerling

Framesby is ongelooflik trots op hierdie oud-leerlinge en dit sal nou 'n jaarlikse instelling word waar ons oud-leerlinge op hierdie wyse vereer. Ons doen dan ook 'n beroep op al ons oud-leerlinge om hul oudskoolmaats wat presteer het te nomineer.

Ons sal volgende week meer volledig oor die aand berig.

ONS ATLETE SKOP AF MET 'N GROOT "BANG"!

Tydens die afgelope vakansie het 'n groep Framesby-atlete Mosselbaai binnegeval om aan die jaarlikse Top 10-byeenkoms deel te neem. Ten spyte van strawwe kompetisie het Framesby uitstekend gevaar. Altesaam 43 van ons atlete het aan die kompetisie deelgeneem. Hoewel die kompetisie op 'n grasbaan plaasvind, bied die plattelandse byeenkoms die ideale geleentheid aan atlete om hul seisoen te begin.

Skole van regoor die land het deelgeneem, onder andere die volgende sterk atletiekskole: Kempton Park, Paarl Gimnasium, Paul Roos Gimnasium en Outeniqua. Nogtans het Framesby 12 medaljes verower:



MEDALJEWENNERS

Lara de Bloe (3000m), Vicky Oelofse (1500m), Chane Petzer (3000m), Bjorn Ferreira (3000m), Caylin Scheepers (100m) en Abigail Appelgryn (Hoogspring) het almal 'n goue medalje verower, terwyl Jason Crause (Hoogspring) en Lara de Bloe (1500m) silwer medaljes huis toe gebring het. Chane Petzer (1500m), Johan van Biljon (Gewigstoot), Janie Guldenphennig (3000m) en Kelly Schmidt (3000m) het almal brons verower. Om alles te kroon het die volgende atlete splinternuwe rekords opgestel: Lara de Bloe in die 3000m vir Dogters O/15, Chane Petzer in die 3000m vir Dogters O/17, Bjorn Ferreira in die 3000m vir Seuns O/15, Abigail Appelgryn in die Hoogspring vir Dogters O/15, asook Caylin Scheepers in die 100m vir Dogters O/15. Haar wentyd van 12,12 sek. is uitstekend vir 'n grasbaan. Baie geluk en sterkte hierdie naweek!

PROGRAM VIR VOLGENDE WEEK

Saterdag 15 Oktober	Sondag 16 Oktober	Maandag 17 Oktober	Dinsdag 18 Oktober	Woensdag 19 Oktober	Donderdag 20 Oktober	Vrydag 21 Oktober
Krieket: Despatch T20 Atletiek Cradock Top 10 Bloemfontein Top 10		Dag 1 Sport en Kultuur Beheerliggaam-komitee (17:30) Rugby-ouervergedering (18:30)	Dag 2 Gr. 12 Afskeidseremonie Diplomaplegtigheid (19:00)	Dag 3 Gr. 12 Eksamens CAT Prakties	Dag 4 Gr. 12 Eksamens IT Praktiese Akademiese Prysuitdeling (19:00)	Dag 5

FINALE EINDEKSAMENROOSTER

Hieronder verskyn die finale Eindeksamenrooster vir Graad 8 tot 11. Die basiese reëlings is op bladsy 1 uiteengesit, maar neem asseblief kennis van die volgende:

- Die Praktiese eksamen in Rekenaartoepassingstegnologie (CAT) vir Graad 10 en 11 word in TWEE sessies afgehandel. Leerders moet 100% seker maak van hul skryftye.
- Die Graad 9-eksamen in Afrikaans Huistaal en English Home Language vind op dieselfde tyd plaas. Die English Home Language-leerders sal eers die Afrikaans-eksamen skryf en na 'n pouse die Engels-vraestel.

	GRAAD 8	GRAAD 9	GRAAD 10		GRAAD 11	
	09:00	09:00	08:30	12:30	08:30	12:30
Maan. 24 Okt				IGO V1 (2 h)	Afr. V2 (2½h)	
Dins. 25 Okt			Eng. P3 (HL 2½ + FAL 2)	LO (1½ h)		
Wo. 26 Okt			BS (3h) Mus. V1 (2h)	Afr. V3 (2½ h)	CAT V1 (3h)**	
Don. 27 Okt				Afr. V2 (2 h)	IT V1 (3h)	
Vry. 28 Okt			LW V1 (2½ h)		Wisk 1 (3h) WG 1 (2½h)	
Maan. 31 Okt			CAT V1 (2 h)**		Wisk 2 (3h) WG 2 (2½h)	
Dins. 1 Nov			LW V2 (2½ h)			Afr. V3 (2½h)
Wo. 2 Nov			IT V1 (3h) VS (3h)			Toer. (3h)
Don. 3 Nov			Eng. V1 (1½h)		IT V2 (3h)	Eng. P3 (2½h)
Vry. 4 Nov	Afr. V4 (1h)	Eng. P4 (1h)	Wisk 1 (2h) WG 1 (1½h)		Geo. V1 (3h)	Geo. V2 (1½h)
Maan. 7 Nov	SK (2h)	Huistaal V3 (1h) *	Wisk 2 (2h) WG 2 (1½h)		Rek. (3h)	
Dins. 8 Nov	Afr. V2 (2h)	Eng. FAL P3 (1h)	Mus. V2 (11h)		Eng. P2 (HL 2½ + FAL 2)	LO (1½h)
Wo. 9 Nov	SW (1h + 1h)	Afr. V4 (1h)		IGO V2 (2h)	Mus. V1 (3h)	
Don. 10 Nov	Eng. P3 (HL 1½ FAL 1h)	NW (2h)	Rek. (3h)			
Vry. 11 Nov	NW (1h + 1h)	LO (2h)	FW V1 (2h)		FW V1 (3h)	
Maan. 14 Nov	Afr. V3 (1½ h)	Eng. FAL P2 (2 h)	FW V2 (2h)		FW V2 (3h)	
Dins. 15 Nov	Teg. (1h)	Huistaal V2 (2 h)*				CAT V2 (3h)
Wo. 16 Nov	Wisk. (2h)	Xho/Mus (1 h)	Geo. V1 (3h)	Geo. V2 (1½h)	IGO V1 (2h)	
Don. 17 Nov	LO (1½ h)	SK (2 h)	Eng. V2 (1½h)		BS (3h)	Afr. V1 (2h)
Vry. 18 Nov	Eng. P2 (2h)	SW (1h + 1h)	Toer. (3h)	IT V2 (3h)	LW V1 (2½h)	IGO V2 (2h)
Ma. 21 Nov	EBW (1½ h)	Wisk (2 h)	CAT V2 (1½h)		LW V2 (2½h)	Eng. P1 (2h)
Di. 22 Nov	Xho/Mus (1h)		Afr. V1 (2h)			Mus. V2 (1½h)
Wo. 23 Nov		Teg (2 h)				VS (3h)
Do. 24 Nov		EBW (2h)				

ALGEMEEN EN SIELSKOS

DIT IS ONDEELBAAR

Daar is mense, veral onder die ouer generasie onder ons, wat soms onder die indruk verkeer dat die moderne mens 'n geringer morele besef sou hê as die mense van vorige eeu. Veral as ons die vryhede sien wat moderne mense hulleself veroorloof, byvoorbeeld op seksuele gebied, kan ons maklik dink dat hulle maar weinig morele besef het. Natuurlik is dit nie waar nie. Die mens van vandag het nie 'n geringer morele besef as die mense van vroeëre generasies nie. Dit is net dat die aksent in sy morele beoordeling op ander dinge as in vroeër tye val. Deur verskeie faktore het die wêreld self verander en is die samelewings in ernstige krisisse gedompel, waardoor morele kwessies onder die aandag gekom wat vroeër nie so opgemerk is nie. Daardeur het die makro-moraal, die sosiale en politieke moraal, in die brandpunt van die belangstelling te staan gekom, waar dit vroeër die geval met die mikro-moraal of individuele moraal was. Probleme rondom die atoombom, oorlog en vrede, diskriminasie en rassisme, armoede en rykdom, vryheid en geregtigheid, welvaart en besoedeling is die dinge wat tans morele verontwaardiging en hartstogtelike inset aan derduisende mense ontlok. Die gevolg daarvan is dat morele kwessies wat vroeër baie aandag gevra het, op die agtergrond gekom het. Daar is nogal 'n tendens om die persoonlike en individuele moraliteit as van minder betekenis te beskou en al die klem op sosiale geregtigheid te laat val. Die neiging tot eensydigheid sit blykbaar in ons bloed. Daar word byvoorbeeld ligvaardig aan die morele chaos rondom die seksualiteit en die euwel van aborsie verbygegaan, terwyl met groot erns gestry word vir politieke geregtigheid of vir die bewaring van die omgewing. Daarin skuil 'n groot gevaar. Dit kan gebeur dat die volle implikasies van immoraliteit op die individuele vlak nie meer besef word nie. Die lyding wat op die individuele vlak deur immoraliteit veroorsaak word, is egter nie minder sondig en pynlik, omdat dit deur individue teenoor ander individue gepleeg word, as wat die lyding is wat deur onpersoonlike sosiale strukture veroorsaak word nie. Dit is goed dat ons oë geopen is vir die kwaad wat in sosiale strukture ingebou kan wees en vir die onreg wat daardeur geskied, maar dit sou dwaas wees om die kwaad op die individuele vlak gering te ag. Moraliteit is ondeelbaar. Wat immoreel is, bly immoreel, op watter vlak dit ook voorkom. Wat meer is, immoraliteit op die individuele vlak het altyd ook sosiale gevolge, omdat dit die stabilitet van die gemeenskap aantast en so die openbare moraal vernietig. Daarom moet elkeen wat teen sosiale onregstry, ook waaksam wees teenoor immoraliteit op die persoonlike vlak. Anders kom ons geloofwaardigheid in die gedrang en vernietig ons met die een hand wat ons met die ander opbou. God verwag dat ons die een moet doen en die ander nie nalaat nie.

Uit: Geestelike Waardes deur Prof. Willie Jonker

ONS SA-VERTEENWOORDIGERS



Tien van ons leerders het vanjaar SA-kleur verwerf en goue medaljes op Nasionale Kampioenskappe verower. Op die foto's hierbo wat by die Sport en Kultuur-toekenningstaand geneem is, verskyn van bo en van links na regs: Wilanie van Zyl (Tennis), Tiaan Smith en Dewald Klinkenburg (Binneshuise Krieket), Mischka Strydom (Fietsry), Monique Ferreira (Stoei), De-Leon Strydom (Skaak), Janré Viljoen (Tennis), Marli du Preez (Karate) en Saskia Westraadt (Karate). Dominic Snyman (Binneshuise Krieket) was ongelukkig afwesig tydens die geleentheid.

Ons is BAIE trots op hierdie leerders!